

SAN NICOLAS DEN "TECNICOLOR" CU CARNAVAL



ORANJESTAD(AAN): San Nicolas a celebra e aña aki un carnaval cu pa hopi aña nan no a celebra pa locual ta trata luho, combina cu e ambiente di publico y comportacion di publico, y naturalmente pa e ambiente musical cu a sobresali Diasabra atardi.

Un total di 14 grupo a participa den e parada cu a sorprende tur hende.

For di principio cu a papia di 14 grupo e expectativa tabata cu e lo ta cortico, si considera cu 5 pa 6 di e gruponan lo ta chiquito di 5 pa 20 hende.

Pero e parada a resulta di ta lo contrario.

Tin caminda cu pa 2 ora largo publico a goza di dje y otro caminda 2 ora y mey pa 2 ora y 45minut.

E grupo "Kingdom of the Sun" di "Shell" a pasa riba tur grupo pa locual tabata bunita pero sigui dicierca pa "Energy Fantasy di Coastal" y tambe e grupo Ciglo 20 di Esso Club".

Esakinan tabata e tres gruponan cu a sobresali mas na San Nicolas, sigui pa presentacion masha bunita y colorido tambe di Simply Sensational cu tabata masha bunita tambe, y pa no lubida Hospital di Fiesta.

Na San Nicolas, e grupo cu a sorprende y cu a duna nan mihor presentacion den carnaval di San Nicolas ta esun di Biblioteca The Library is Bewitched".

Biblioteca a presenta cu un grupo original, cu ta pas cu nan nomber, disfraz simpel pero bunita. Nan a presenta tur na "heks" y a duna un bista masha precioso di locual por haci cu poco recurso pa forma un grupo masha representabel.

Den e parada aki musica a percura pa e ambiente grandi carnavalesco y no por laga afor e poder musical di PRIDE,



TIME, ARUBAN BAND y GRASSHOPPERS cu a resona fuerte, y esaki sin kita afor e presentacion di otro gruponan musical.

Por menciona e gruponan chiquito di Aruba, St.Maarten y St.Eustatius cu a resona fuerte tambe y masha anima.

E publico canto di e ruta a goza inmensamente y un biaha mas a duna e ehemplo di comportacion durante henter e ruta.

Na San Nicolas hopi elogio

tabata tin segun e comentarionan scucha pa e agentenan policial cu a traha e atardi aki, pa e manera tactico cu nan a actua durante henter e ruta, y sinembargo sin cu tabata tin

problema di lamenta ningun caminda.

E direccion despues di parada di polis, y e trabao excelente di DOW y tambe di Serlimar a ser enfatiza un biaha mas y a keda masha aprecia.



SAN NICOLAS DEN "TECNICOLOR" CU CARNAVAL



Resultado Parada na San Nicolas

ORANJESTAD(AAN)-- E aña aki, San Nicolas a sobresali den su parada, di chikito cu e tabata, el a lusi den su bunita.

Esnan cu a sobresali den premio, grupo historico, Ciclo 20 di Esso Paradise, original tipico Ciclo 20 di Esso, original The Library is Bewichted, comico Paraloco, comercial Coastal (Energy fantasy), luhoso Kingdoms of the Sun (Shell).

Premio pa flota comico tabata esun di Paraloco, comercial Coastal y luhoso tabata Coastal.



Premio individual historico Inca Tapestry, original tipico Aloe Body Piece, original Free Tours, comico Coke is it (Dr Kennedy), luhoso God of Maya (Ministro E. Briesen).

Premio pa individual Road Piece, historico Lago a bin, Lago a bai, original tipico Plantation y cosecha, original Nuclear explosion Coastal, comercial Esso Super Oil, luhoso Goddess of the Gods.

E grupo mas jolly na San Nicolas tabata Mi Fiesta (Hospital), mientras cu e grupo mas grandi na San Nicolas a resulta Coastal Energy Fantasy.

Premio special fantasia pa grupo a bay pa Simple Sunsational (Aruba di Nos), premio consuelo a bay pa Los Laga Bai, e premio cu a ser comenta hopi riba dje pa otro grupo tuma ehemplo di nan a bay pa Kima fuse, y premio special a bay pa One size fits all, Palabra vies, Crazy Boys y Nummer fanatsy.

PARADA DI PLAYA



Resultado parada Oranjestad 10 Februari 1991

ORANJESTADS(AAN)— E aña aki Aruba su Carnaval 37 a demostra cu e ta number un den tur sentido.

Segun calculacion mas o menos 10 mil persona tabata para canto di caminda pa mira e parada pasa apesar cu e tabata dos ora y mei, e tabata luhoso.

Durante e parada por a mira yen di pluma cual a grandese e Carnaval di Aruba.

E resultadonan di e aña aki ta como lo siguiente pa loque ta trata Oranjestad.

Premio como grupo, Historico a sali Cielo 20 di Esso Club, Original tipico, Aruba di Nos di John Flemming, original Coastal energy fantasy, Comico esun di Aiky's Crazy team, Comercial, Simple Sunsational di Sun Resort, Luhoso Kingdoms of the Sun di Shell.

Premio pa Flota historico, Royal Crown (Sta. Cruz) reina di Sta. Cruz, pa original Knock out Organization, comico Aiky's Crazy Team, comercial Coastal, luhoso reina Sta. Cruz (Royal Crown).

Premio pa individual historico Je Mantiendrai, original tipico Caha di orgel Chanita (Grupo John Flemming), Original Free Tours di Esso Club, Comico Coke is it, comercial Emblema lucor cu Diamante (Hospitaal), luhoso God of Maya (Ministro E. Briesen).

Pa loke ta trata individual Road Pieces, historico Last maya, original tipico San Juan dera Gai, original Disco di oro, Mas Creativo, Nuclear explosion, comercial Emblema Shell, luhoso Asambecho y tambe tabata tin un premio special fantasia a bay pa Goddess of the Gods.

Grupo di aña, Aruba di Nos di John Flemming, premio Elmar Kingdoms of the Sun di Esso Club, Flota di aña Royal Crown (Sta. Cruz, Brass band di aña Academy Brass, Cohunto di aña Pride, e grupo mas jolly den Oranjestad Di Fiesta (Hospitaal).

Grupo mas grandi na Oranjestad, Aruba di Nos di John Flemming, grupo mas creativo Coastal, premio special grupo fantasia Di Fiesta (Hospitaal), Premio consuelo a bay pa Los Laga Bai, e grupo cu a haya e premio cu a worde comenta durante e parada pa otro gruponan tuma ehemplo di nan ta Fashion 2000 di Knock out Organization.

Premio specialnan a bay pa Bank Kung, Safe Our Sex, Paraloco y e grupo di Noord di C.N.N.

